



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

CCCXLIV. Hermann, Markgraf von Brandenburg, bestätigt als Tutor
Silesiae einen Kaufcontract des Schlesischen Hauptmannes, Hermann von
Barby, mit dem Abte und Konvente des Klosters Kamenz vom Jahre ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

excedant scientiam futurorum. Exinde est, quod nos Bulcko, dei gratia dux Silesie, ad publicam noticiam omnium attestacione presentium cupimus peruenire, quod utilitati et profectui ciuitatis nostre Franckenstein intendere cupientes, ciuibus predictae ciuitatis deponendi plumbum et sal uenalia liberam damus, prestamus et concedimus facultatem, volentes ut singuli transeuntes cum prefatis rebus uenalibus absque contradictionis uoce ibidem uenditioni exponant. Ceterum concedimus eisdem, ut nulla taberna a ciuitate infra unius miliaris distantiam construatur et constructas penitus remoueri. Insuper uolumus sepe dictos ciues iure censi eodem, quo patruelis nostri Heinrici, quondam ducis Wratislauiensis felix recordationis, tempore utebantur. Ut ante predictae donationes nostre permaneant in uigore debite firmitatis et ne aliqua postmodum interueniente calumnia deformentur, presentem paginam eisdem ciuibus concessimus nostri sigilli munimine roboratam. Datum Reichenbach, per manum magistri Heinrici notarii. Anno domini millesimo CCLXXXX octauo, calend. Nouembris. Presentibus nostris militibus dominis Rudigero de Hugewitz, F. de Waldau, Alberto de Vlok, Alexandro dicto Clerico, Hermanno de Pesczen, Con. aduocato in Reichenbach, Siffrido scriptore ac aliis pluribus fide dignis,

Et nos marchio Hermannus prefatam donationem, sepedictis ciuibus ciuitatis Franckenstein per sororium nostrum, dominum duce Bolkonem pie memorie, datam et concessam, ob petitionem nobilium uniuersorum et ciuium, in eadem ciuitate Franckenstein commorantium, ratam et firmam seruabimus et his presentibus publice confirmamus, ut ex hoc robur habeat perpetue firmitatis. In cuius rei evidens testimonium presentem dedimus paginam, de certa scientia nostra munimine nostri sigilli communitam. Datum Schönau, per manum domini Sloteckini. Anno domini millesimo trecentesimo septuagesimo (sic), feria tertia post festum Elisabeth presentibus nostris militibus dominis Hermanno de Reichenbach, Burchardo de Bertinsleue, Christiano de Bernhartsdorf, Conrado de Zirna, Kiliano de Hugewitz, Heinrico Thuringo ac pluribus aliis fidei testimonio decoratis.

Nach einer vom Geh. Rath Stenzel in Breslau aus dem Privilegienbuche des Fürstenthumes Münsterberg mitgetheilten Abschrift.

CCCXLIV. Hermann, Markgraf von Brandenburg, bestätigt als Tutor Silesiae einen Kaufcontract des Schlesiſchen Hauptmannes, Hermann von Barby, mit dem Abte und Convente des Klosters Kamenz vom Jahre 1303, am 27. November 1307.

Nos Hermannus, marchio Brandeburgensis et Lusacie, dominus de Henneberk et tutor Slesie, omnibus hanc paginam inspecturis publice protestamur, quod dominus Gothfridus, abbas monasterii de Kamenz, nobis obtulit literas non raras, non abolitas, nec cancellatas in hec verba:

In nomine domini amen. Cum negocia, que ad manus hominum disponuntur, sepius

inmutari habeant, nisi voce testium et testimonio literarum fuerint approbata; hinc est, quod nos Hermannus de Barbei, capitaneus Slezie, notum esse volumus vniuersis tam presentibus quam futuris, quod accedente consensu et bona voluntate illustri principis domini Hermannii marchionis Brandenburgensis, tutoris Slezie, accedente etiam assensu preclare ac nobilissime domine Beatricis, relicte quondam magnifici principis domini Bolkonis, ducis Slezie, villam nostram et allodium nostrum, quod Schram dicitur, integraliter et sine diminutione qualibet, cum omnibus suis pertinentiis, vtilitatibus et prouentibus, secundum quod nos a domino Johanne dicto Wfthube eandem villam et allodium pro nostris denariis comparauimus, Insuper siluam nostram, eidem ville Schram adjacentem, quam nos apud illustrem principem iam dictum videlicet dominum Bolkonem pro nostris denariis emendo comparauimus, domino Ottoni, abbati monasterii de Kamenz et suo conuentui rite et rationabiliter vendidimus, et resignauimus eisdem pro quadringentis et quadraginta marcis vsualis ponderis et monete, quam summam nobis protestamur esse integraliter persolutam. Et hec omnia vendidimus eisdem fratribus libere et absque omni seruitio pleno jure et dominio, prout nos ipsi possedimus et a nostris predecessoribus possessa fuerunt, nullum nobis jus aut dominium in eisdem bonis reseruantes. Et quoniam predictas possessiones sic a nobis venditas ad jus ducale seruitium vnius contingit dextrarii, nos predictos abbatem et suum conuentum de eodem seruitio absoluimus et promittimus absoluendos, de ceteris bonis nostris ducibus, qui pro tempore fuerint, procurabimus plenarie exhiberi seruitium memoratum. Ad cuius rei euidenciam hanc literam dedimus, nostri sigilli appensione munitam. Acta sunt hec et data in Monsterberk, anno domini MCCCIII, XVII. Kalend. Maj. Presentibus testibus infra scriptis videlicet dominis Alberto Bart, Goschone et Johanne de Monsterberk, Johanne dicto Wfthube, Heinrico de Lubauia, Lutoldo de Werus, Ditrico de Droguchs, Tilone marschalco, Nicolao de Wacenrode, Hermannio dicto Ruyme et pluribus aliis fide dignis. Datum per manum magistri Jacobi notarii curie nostre.

Ut autem jam dicta vendicio robur obtineat perpetuo valiturum, nos ipsam presentis nostri sigilli appensione confirmamus. Acta sunt hec in Schonowe, anno domini MCCC. septimo, presentibus hiis dominis Burchardo de Bertinsfleuin, Czabello de Mefichowe, Cristiano de Gerhardistorph, Alberto dicto Bart, Cunrado de Gerlacheshheim, Tizschone de Muschowe, Richolfo castellano de Jawirnich et aliis quam pluribus fide dignis. Datum per manum Slodkini, notarii curie nostre, quinto Kalendas Decembris.

Nach einer vom Geh. Archivrathe Stenzel mitgetheilten Abschrift des im Schlesiſchen Provinzial-Archive zu Breslau befindlichen Originals.